

ZEUGHI

SPETTACOLI

VARIETÀ

RECENSCIOIN CONLATERALI



Oh finarmente gh'è da festezzà! Finarmente arrivà de mimose, de reuse e de ceñe romantiche pe sublimà à dovei niatre Dònne!

resultan ancon ciù basci rispetto a quelli di òmmi. Comme se aveighe l'òxello o garantisse chissà quæ eccelso livello de professionalità e de competense.

PARLA LÊ


Advertisement for 'Lê, papale.' featuring a stylized figure and the text 'Vorriæ e dònne cardinali, comme i ponti, e cangieiva tutto!'.

mo posciu infia dexe franchi inte miande d'un cubista, protagonista de quarche spettacolin inti locali, tanto che ballando o n'avie arrembou in sciò moro o pacco fasciuo inte di perizòmmi leopardæ.

E dapeu, oua che o l'è arrivou Mario Draghi ti veddiæ che se scistema tutto; lê sci che o l'è "sul pezzo", comme dixan, o l'è òmmo de mondo, o l'ha giou in longo e in largo confrontandose con de realtæ foreste comme quelle do Nörd Euröpa che da dònna an unna concezion bella diversa da quella italiaña (ò meglio, nordafricaña).

ALESSIA CAPORALI

O CROXIVERBA



DESTEISE

- 1. Avvoxà mascara de Carlevà. 7. L'8 de marso a l'è a giornà internazionà dedicà à lê. 10. Ti, into passou. 11. Bestia da laña e formaggio. 12. Ninin. 13. Mòddo antigo de di "colore". 14. O metallo o ciù preçioso.

DRITE

- 1. Angæzo, attresso. 2. Drappo da letto. 3. Ti into passou. 4. Costoso. 5. Realtæ, ma into mondo de idee. 6. Luxe freida e econòmica. 7. Præve. 8. A gh'à 60 minuti. 9. Debole. 13. A sta a-a cascia. 15. A l'indica a stradda. 16. A primma dònna 18. Esperto de vin.

- 19. Cittæ da contea de Iron, in Wisconsin. 20. Ari. 22. Angoscia, sciugata, schinfiu. 25. Anà li, veu di anà in fummo. 29. Marca de vet-tue tedesche. 30. Land Grid Array, in informatica. 31. I treni ò rispettan pöco. 33. O neuvo Mercou Orientale. 34. Òmmo, in inglese. 36. Maccetta da

A SOLUZION DO NUMERO PASSOU

Grid of letters for the solution: R E S P O N S A B I L I T Æ, A I U I R R I G A I X E, N E N C I N I E L I O I R, G S N N E C O T I A N, O B E R T E N G A A T O I, I R E T R O M B A, C O N T E R O N S O N A, U O O M I U N E L I, X A T T A M A S T E L L L A, O L A R A M T A E S A, U T I L I A P R I L I A

O STAFI

"O Stafi" o l'ea un di giornali zeneixi ch'o sciortiva into XIX secolo, tra i ciù progrescisti, attento a-i temi sociali, laico. Ancheu o nasce torna come rivista mensile, in continuità con unna tradiçion ch'a l'attraversa i secoli.

ABBONITE!

Pe abbonæ a "O Stafi", e riçeive e sciortie di 12 mèxi successivi beseugna mandà unna mail à:

giornalestafi@gmail.com

indicando: nomme, cognomme, indirisso completo do pòsto donde se veu riçeive a rivista, comprovante do pagamento fæto de 30€.

O pagamento o se peu fà à l'IBAN: IT68M03320140000000962213

intestou à Riprendiamoci Genova, indicando inte l'oggetto: abbonamento de "nomme e cognomme". Atrimenti, se peu anà in sciò scito internet:

www.stafi.altervista.org/abbonamenti

e segui e instruçion pe abbonæ.

Questa rivista a l'è stæta stampà into respetto de l'ambiente da-a Grafica KC. A ceiga a l'è stæta fæta à man da-i detegnui da prexon de Pontedeximo.

"O Stafi" a l'è unna testà registrà a-o Tribunale de Zena o 16/01/2020 co-o numero 31/2020, R.G. n. 329/2020, R. Stampa n. 2/2020.

Direttò Responsabile: Andrea Acquarone
Direttoa azzonta: Camilla Ponzano
Editò: Ass. Riprendiamoci Genova

Mandou in stampa a-i 1 de marso do 2021 a-e oe 9.30 in 700 còpie.



JUNG CHANG, WILD SWANS, 1991



MÆ NÒNNA A L'EA UNNA BELLESSA. A gh'aveiva un morin ovale da-e masche reusa e da-a pelle schillante. I seu cavelli lunghi, neigri e luxenti, soleivan vegni pètenæ int'unna grande tresca ch'a gh'arrivava a-a çenta. A saveiva èse pudica quande l'ocaxon a ò domandava - saiva à di, pe-a ciù parte do tempo - ma sotta a-a mascara esterna a sciuappava de energia repressa. A l'ea picciña, de un metro e sciuascianta de statua, ciù ni meno; a seu figua a l'ea svelta, e seu spal-e ean soavi, còsa ch'a se consciiderava un ideale de bellezza. Senza dubbio a seu attrattiva a ciù grande ean i pè fasciæ, che in cineise se ciammavan "lillin indoe de eutto citti" (san-tsun-gilian). Questo voeiva di che a camminava "comme un sarxo tenio, mesciou da l'æxia da primmaveia", comme saleiva di i specialisti cineixi de bellezza femminiña. Se supponeiva che l'imagine de unna dònna sampettando in sci seu pè bindæ a l'esercitesse un effetto eròtico in sce l'òmmo, dovuo in parte a-o fæto che a seu vulnerabilitæ a produceiva un dexidèio de protezion inte l'osservatò. I pè de mæ madonnava ean stæti fasciæ quande a gh'aveiva doi anni de etæ. Seu moæ, ch'a l'aiva asci i pè fasciæ, a l'aiva comensou ligando in gio a-i seu pè unna çen-



ta de sei metri de longhessa, doggiandoghe tutte e die - à eccezion do dio gròsso - sotta a pianta. Dapeu, a l'aiva pòsou in çimma à questi unna gròssa pria pe asc-

ciannà l'erco di pè. Mæ madonnava a criava de dolò, implorandola de lascià perde, aloa seu moæ a ghe metteiva un tòcco de teia in bocca. Pe caxon de sta còsa, mæ

madonnava a l'è svegnua diverse vòtte da-o dolò. O processo o l'è duou diversi anni. Asci quande s'ea rotto e òsse, i pè se doveiva fasciàli giorno e neutte con un tesciuo druò, stante che çercavan de recuperà a forma originàia tòsto che se sentivan liberæ. Pe di anni mæ nònna a l'ha visciuo sottomissa à un dolò terribile e infinio. Quande a pregava seu moæ de liberàla da-e fasciatue, questa a sciuappava in lagrime e a ghe spiegava che di pè che no bindæ avievan destruto tutta a seu vitta futua, e che a ò fæveiva pe-a seu felicità. Inte quelli giorni, quande unna figgia a s'imprometteiva, a primma còsa che fæveiva a famiglia do galante a l'ea examminà i seu pè. Di pè grandi e normali ean tegnu pe raxon de vergheugna da-a famiglia do sposou. A seuxoa a tiava sciù a fàdetta do ròbon da galante, e se i pè mesuavan ciù de dexe citti, ciù ni meno, a l'asceiva cazze con un gesto de sprexo e a se n'anava, lasciando a figgia espòsta a-e euggiæ de censua di invitæ, che ammiavan tutti i seu pè e ciarbotavan de poule de sdegnò. Quarche vòtta, gh'ea de moæ che se ghe fæveiva o cheu piccin e ghe levavan e fasciatue a-a figgia; però, quande a picciña a cresceiva e a se trovava obligà a sopportà de vegni scòxia da-a famiglia

de seu maio, e depoi a-a desap-provaçion da societæ, pe sòlito a ghe recriminava à seu moæ d'èse stæta tröppo debole. A pratica de fascià i pè a l'ea stæta introduta originaiamente circa mille anni fa (dixe, da unna concubiña de l'imperatò). No solo se consciiderava eròtica l'imagine de dònne ranghezzando in sci seu pè piccin, ma i mæximi òmmi se astissavan à zugà con quelli, sempre cäsæ da de scarpette de sæa recammà. E dònne no poeivan levàse e fasce manco quande ean grandi, perchè inte sto caxo i pè comensavan torna à cresce. E binde se poeivan levà solo temporeaneamente de neutte, into letto, pe vegni sostituie da de scarpette de sæa umea. I òmmi de ræo veddeivan di pè descàsci, perchè soleivan apparì coverti de carne decompòsta e lasciavan anà unna spussa fortiscima. Da figgeua, regòrdo mæ nònna ch'a gh'aiva delongo mà. Quande tornavimo à casa, dòppo avei fæto de commisciòin, a primma còsa ch'a fæveiva l'ea immerze i pè int'unna conchetta de ægua cada, tiando un sospio de sollievo. Subito dòppo e comensava à levàse di tòcchi de pelle mòrta. O dolò o no l'ea caxonou solo da-a rottua de òsse, ma asci da-e onge che s'incarnivan into pianta do pè.